



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Gaudium Orbis Universi. Sive Lætitia Generis Humani.
Augustissima Cælestium, Terrestrium, & Infernorum
Regina, Deipara Virgo, Maria, Ex Qua Per Benedictum
Fructum Ventris Ejus Post tot Myriades ...**

Schmucker, Mathias

Glacii, 1689

Illos Tios misericordes oculos ad nos converte. Ode X.

urn:nbn:de:hbz:466:1-38142

Damnationis literã
Ne scribar inter hostes.

33.

Tunc Virgo summa respice (b
E Regia trementem,

Et præfolantem Nomine
Vel gratias; vel iras,
Tuere, dextrã porrige,
Terrãque sublevatum,
Ad dexteram me Filii
Fac siste mitigati,

Illos Tuos misericordes oculos ad nos
converte.

O D E X.

1.

O Virgo! Mater auxili
Opis potens ferendæ!
Tu splendor Orbis, & decus,
Mortalis ara Culpæ.
Alternã quæ commercia
Poli, solique versas,
Paciferisq; fœdera,
Mortalium, Deique.

2.

Tu mitis invocantibus
Manum Patrona præbes,
Tu vota supplicantium
Gementiumque questus
Quater beato terminas,
Et exitu coronas,
Nullumque torva despicias,
Sed respicis serena,

3.

Benigna Tutrix Exulum
Et Una spes reorum :

(b S. Basilius Seleuc, antist.

Quies peregrinantium
Pharusque navitarum,
In Orbe deviantium
Ariadna Theseorum,
Securitatis Ostium,
Clavis beatitatis.

4.

Tu flexilis, Tu prodiga
Mortalium saluti,
Nostris ades periculis,
Audisque deprecantes,
Sunt (quis neger) sunt cœci
In nostra vota Divi,
Sed Tu faves præ cæteris
Pandora gratiarum.

5.

Gens gloriosa (Cælites)
Mundoque proma Cœli
Cælique promptuaria
Suos habent favores :

Parti

Partitur ille gratias

Divum Senatus Orbi,
Largusque dotes dexteram
Petentibus ministrat.

6.

Numen suos (quis ambigat
Sed sanctiore cultu)
Habet suos Apollines,
Hippocrates, Galenos,
Conso, Gradivos, Hercules,
Amazones, Minervas,
Castas Dianas, Pallades
Viraginesque Vestas.

7.

Hi dona supplicantibus
Divite profusa cornu
Elargiuntur omnibus,
Quos servitus malorum,
Et dira clades corporis
Infestat ægriens,
Et dura quos necessitas
Angit, premittitque luctus.

8.

Dextram medente Cælitum
Vis pertinax veneni,
Atæque hūbo solvitur,
Ulcusque virulentum,
Febris fugit diaria,
Quartana, Tertiaria,
Marasmus, ardor hæctices,
Et Ilias dolorum.

9.

Armata quot doloribus,
Acuta tot sarissis,
Pleuritis, omnes exiit
Lateris furentis æstus,
Et quem Charonti Navitæ
Naulum parabat æger,
Fugiente morbo lætior
Divis dicat Galenis.

10.

Angina, bilis, syncope,
Deliriumque mentis,
Arthritis, hydrops, pectoris
Inflata tympanitis,
Syntectica, lienica,
Nephriticaque pestes,
Phthisis, Phrenitis, ultimam
Subit coacta Thulen.

11.

Quæcunque corpus agmina
Agunt sinistra bellis,
Divum premuntur dextram
Fugantur & sinistra,
Eliberatam compedes
Seram cadunt solatam,
Mersique vivunt gurgite,
Lapsamque funerati.

12.

Hos expavescunt Inferi,
His fulminantur umbræ,
Illis suos jubentibus
Reddunt sepulcra manes.

Redi-

Rediviva surgunt corpora
Terræ evocata claustris.
Jactamque Mors arundinem
Retorquet in pharetram.

13.

Hi guttulas: Tu flumina
Fretumque Diva fundis:
Hi Gemulas: Tu Regias
Spargis, plusque gazas:
Et sparsa quæ per cæteros,
Compendiatur in Te,
Tu jura claudis omnium,
Et dona gratiarum.

14.

Tuis tenentur omnia,
Et brachius fovetur,
Per Te beantur sidera,
Per Te beatur Orbis,
Ubi finis est, & terminus,
Et meta cæterorum,
Tibi finis est exordium,
Et origo gratiarum.

15.

Circum potestas legibus
Est scripta, terminisque
Quas circumavit Numinis
Manus suprema sphaeras,
Has transilire nemini.
Nec ampliare fas est,
Sunt claustra certa munerum
Sunt septa gratiarum.

16.

His meta stat: Te terminis
Nec meta figit ulla,
Horum *columnis* scribitur
Non plus, favoris, ultra;
Tu longius, Tu latius
Ultraque plus, & ultra
Nascentis oras Cynthii
Extendis, & cadentis

17.

Tu limites profundius
Scrutaris, altiusque
Soli Deo reconditos
Æternitatis orbes,
Interminata possides,
Perambulas abyssos,
Cælique sola cardines,
Et orbitas pererras.

18.

Summi Tonantis Filia
Præ sæculis creata.
Electa præ tot millibus,
Dilecta sola Nymphis
Verbi Parens Altissimi,
Matérque Conditoris,
Sanctique Sponsa Flamini
Et Arrha Trinitatis.

19.

Tu sola Thesauraria
Regis MARIA Regum

(* Raym. Jord. in Prologo.

Ad dexteram stans Filij,
Sacris corusca flammis,
Circum metallo nexilis,
Vestita dives auri.
Et plena fulges gratiis,
Deoque plena turges.

20.

In Te tot ardent irides,
Quor emicant favores.
Quot astra cæli splendent,
In nos fluunt amores,
Tu Matris ulnas explicas.
Sinumque prona pandis,
Amplecterisque supplices,
Amabilis Clientes.

21.

Frontis benignæ lumina
In nos serena verte,
Ut sol reflectit Cynthiae
Frater jubar forori.
Suoque cæcæ luminis
Fulgore replet Orbem,
Sic Virgo nostros respice
Tui calore vultus.

22.

Magnetis ut vim proximi
Ferri sagitta sentit,
Semper poli convertitur
Ad alta signa telum,
Et inquieto palpitat
Tremitque lingua motu,
Donec suæ conspexerit
Quietis unionem.

23.

Imago solis florida,
Flos subsequax euntis,
Ortum salutat Principem,
Bonumque manè dicit.
Et occidens jubet benè
Fidum valere fidus,
Flexaque fronte gratias
Se præstat intuenti.

24.

Sic nos Tuo suavissima
Dignare Virgo vultu,
Magnetis instar attrahe,
Nos ductiles sequemur,
Seu ferreos, seu floeos,
Magnesve, Cynthiaeve,
Imple Tuo nos numine,
Et luminis favore.

25.

Per Te licebit vivere,
Licebit & moveri,
Ut herba germinabimus,
Trahemur ut metallum,
Vultus Tui potentia,
Serenitasque frontis,
Caliginoso crimum
Nos tollet è sepulcro.

26.

Ad istud æquor luminis,
Flumenque gratiarum,
Accurre quisquis pressus es.
Aut angeris, dolésque,

Hic

011
40

Hic dia cæli flumina,
Et luminum sapes
Plenis bibes carchesiis,
Et hauries culullis,

Hic largitas, hic faustitas,
Hic fanitas, salusque,
Amænitæ, securitas,
Immensitas bonorum,
Hic obviis Beatitas
Te basiabit ulnis.

27.

Accurre, quisquis Irus es,
Aut Jobus in simeto,

Et JESUM benedictum fructum ventris tui
nobis post hoc exilium ostende.

ODE XI.

1.

Regina! nam quo nomine
Te digniore dicam?
Regina! Regis Filia, (a
Matæque præmiantie
Et judicantis Numinis
Post fata; servitutis
Tu merx mæx, Tu cordis es,
Et una meta vitæ.

3.

Cui me perenni fœdere,
Votòque mancipavi,
Tantæ Parenti, filius,
Magnæ Cliens Patronæ.
Heræ potenti servulus,
Stat usque & usque vitæ
Fidémque Mundi Præfidi
In fata mancipare.

2.

Electa præ tot millibus
Et millibus *MARIA,*
Cui vota dixi *ferrea,*
Et aureos amores:
Mer caloris terminum,
Meique pacta cultûs,
Non ulla ponent tempora,
Ne clustra sæculorum.

4.

Prius sequetur vertagum
Lepusculus paventem,
Dentésque figet tergoris
Velocior Lyciscæ,
Et de subactò Lælape,
Victor feret triumphum
Quàm Terram me, vel fide
Testentur infidelem.

(a Richard, à S. Laurent. lib. 6, pag. 405r